

1215-9-20  
2

# SYLVA POETICA.

---

AUTORE  
P. F.

---



CANTABRIGIÆ:  
Ex Academia celeberrimæ  
Typographeo. 1633.

SYLVIA

POTTER

AUCTIONEER

P. F.



CARABIDIAE

EX ACADEMIA COLLEGIUM

1855



AMICISSIMO ET CANDI-  
dissimo Edvardo Benlowes

se & sua

PHIN. FLETCHER.



*Uae jam, quae vati restant dicenda re-  
centi?*

*Quis mihi materia est heros, quis prae-  
mia Musae?*

*Omnia praeripuit melior nascentibus  
etas.*

*Quis te, quis pelagus nescit tentasse profundum,  
Typhi, & compactis (parva heu discrimina!) ligni  
Moenibus impositum fremitus iprevisse marinos?*

*Quisve iterum Musis melius cantata secundis  
Pergama? vosque etiam felicibus, Arcades, arvia  
Pastores, vel te celebratae, Mantua, glebae?*

*Te, Naso, te omnes, teneri Praeceptor amoris,  
Agnoscent puerique ducem, innuptaeque puellae:*

*Quin fixos super appendens modò retia remos,  
Italicus scopulos inter Piscator, & undas,  
Parthenopæ canit, & piscosæ Mergilinæ.*

*Si tamen aut Phyllis nobis, five esset Alexis,  
(Quid tum si nigrior Phyllis, si durus Alexis?)*

*Ipsè ego seu plarano, seu lævis cortice fagi  
Phyllida crudelem, & seivum moriturus Alexin  
Imprimerem, & duros resonarem læsus amores.*

*Audiet, immitésque ipsum miserebitur ignes,  
Et streperum duplici recinet nemus omnia voce.*

*Jam tantùm longè (si fas) vestigia vatum*

Tanta lego, tacitisque sequor non passibus equis.  
 Tu modo nascenti (si fas tibi credere) vati,  
 Tu faveas, primoque adsis, Edovarde, labori,  
 Quem teneras subter vites salicésque recurvas  
 Ignoti Chamo cecinit nova fistula vatis.  
 Sæpe ego neglectas volui depellere, sæpe  
 Panitet, & toto redeunt pectore Musas  
 Accipio, inque animum flatus admitto secundos.  
 Ah! mihi muscosos fontes, lucosque sonantes  
 Inter, & errantes tutis sub vallibus agnos  
 Contingat pigram lentè properare senectam!  
 Ipse ego festivo balantes carmine matres  
 Ducam, quas circum agglomerant, luduntque per herbam,  
 Et summum excutiant agni de gramine rorem.  
 Dux gregis anteibit, lateque audita superbus  
 Concurrit moto mihi tintinnabula cornu.  
 Ipse ego nocte feram, & spisso sub vimine claudam:  
 Fronde super viridi, virve effusus in ulva  
 Prosterne, torumque traham sub pectore sonantem.  
 Fida simul conjux, & non incerta recumbat  
 Circum progenies, nec falso nomine patrem  
 Dicat, onus collo mihi gratum humerisque reponat.  
 Det Deus in sylvis cantando amnesque gregesque  
 Inter deficiam, & medita inter pascua solvar:  
 Sylva mihi tantum vita esto, sylva sepulchrum.  
 Sic pigra Mæandri morituro ad flumina cantu,  
 Eridanive sedens violenti gramine, carmen  
 Postremum albus olor, vitam cum carmine fundit;  
 Exequiasque canens felicem illabitur urnam.

ELEGAN.





ELEGANTISS. POETÆ

PHIN. FLETCHERQ

*Calamum auratum mittit*

A. G.

**M**IRRO tibi auratum Calamum, quia singula  
scribis

Aurea : sic palmæ debita palma tux.

Nondum abscissa tamen Cuspis, neque penna per-  
acta :

Nam tu, quo fiat Cuspis, Acumen habes.

---

SYLVA

---



# SYLVA.

## *In Thermas Bathoniae.*

**I**GNIS aquam duxit. Confide puella: vel  
igne  
Sit puer asperior; deperit ignis aquam.  
Igni nupsit lymp̃ha. Puer confide: sit unda  
Frigidior virgo; deperit, ardet aqua.  
Concipit amplexu flammæ, & parit unda salutem.  
Speretis steriles; ignibus unda parit.  
Hic ubi fœcundant ignes, uruntur & undæ,  
Progeniem sterilis speret, amansque thorum.

---

## *In Noctilucam, & nimium modestos.*

**Q**uid tuas retegis nimis tegendo,  
Noctiluca, faces? pates latendo.  
Ipsa es sphaera tuæ comēsque stellæ:  
Diem si repetis, die latebis.  
Non te nox tenebris tegit fovendo,  
Sed te nox latebris tegendo prodit.

---

## *In Lupum pastoralibus Musis maledicentem.*

**C**ur tibi displiceant, Lupe, carmina nostra, rogasti:  
Est (Lupe) pastoris displicuisse lupo.

**C** Nostra

*Alías.*

Nostri alii laudant, *Lupus* odit carmina: recte;  
'Pastoralis erat versus, & ille *lupus*.

---

*In Nasutum.*

**Q**uid nasum densis cingit diadema pyropis?  
Rex hic nasorum est: quis diadema negat?

---

*In Homuncionem igniter atque  
insigniter nasutum.*

**L**ymphas, socii, spargite lymphas,  
Maximus ille, (heu!) lucidus ille,  
Multa extensus facie, gemmis  
Dives, flammiferoque pyropo,  
Timeo (ah!) timeo, jam periturus  
Magno nasus carpitur igne.

Pinguem intus præcordia limum  
Inflammarunt: subitoque volans  
Omnia fatuus corripit ignis.  
Jamque immensis pingua flammis  
Sorbens ilia, culmina noto  
Petit ascensu: atque omnia late  
Populans, scapulas ferus arentes  
Lambit, siccaturque cerebrum.  
En! nigrantes vortice fumi,  
Undansque fluit nidor ab ore.

Lymphas, socii, effundite lymphas,  
Plurimus ille, (heu!) succidus ille,  
Nasus tremulus, nasus hiulcus,  
Turritiger ille, (ah!) arduus ille

Undique



Undique vasto carpitur igne:  
 En ! ignis dominatur ubique  
 Fatuus: nasum feligit ignis;  
 Interiores fatuus sedes.

---

*In Asotum.*

**D**um *Gnatho* blanditis *Asotum* & creditor urgens;  
 Illi rem præcepit, huic modò verba dabat.  
 Nil restat : jam rem, jam verba, *Asote*, dedisti;  
 Mox pœnas (nil te, nil ego posco) dabis.

---

*In Minum vivum sepultum.*

**S**æpe jacet potu *Minus* vinòque peremptus:  
 Sæpe iterum vitam semisepultus agit.  
 Mors stupet; & quoniam rursus, tam sæpe sepultus;  
 Vivit, jam vivum (væ misero!) sepelivit.

---

*In eundem.*

**V**itò sepultus vixerat, vivus perit;  
 Moriturque vivus *Minus* vitâ mortuus.  
 Sic voluit altus Arbiter : jam conditur  
 Vivus sepulchro, qui sepultus vixerat.

---

*In Effigiem Ducissæ Matris,  
 & parvulum Ducem.*

**C**ur puer hic toties, cur oscula, *Cyprie*, figis?  
 Et mater tantum quòd filet ista, gemis?

Aspice; non est hæc, non est tibi *Cypria* mater:  
 Majus in hoc matris numine numen inest.  
 Respicias? & juras *Cypria* esse hæc corpora? dempto  
 Corpora, jam matris nil habet *Anna* tuæ.  
 Nónne vides, ut equo gaudens atque ense decoro  
 Matrem anteit *Cyprie* *Cyprius* alter. *Amor*?  
 Arrides? geminúmque agnoscis *Cyprie* fratrem?  
 Non est hic, non est, *Cyprie*, frater *Amor*.  
 Respicias? & magis adjuras, en matrêque, téque  
 Suavior hæc mater, suavior ille puer.

Ana- *Elisa Vincenta* }  
*Nelæsa* vincit } grammata.

**V**incentâ quæd sim victus victrice, placebar;  
 Quod *nè læsa* quidem vincit *Elisa*, dolet.

*Amicæ decedenti.*

**Q**uò mea, quò properas (heu!) lux mea? quanta re-  
 surget  
 Nox mihi, cum mediâ, lux mea, luce cadis!

*In Phaonium.*

**V**ocem *Phaonius* sequitur, vestémque *Catonis*:  
 Sermo quidem, sed non vita *Catonis* erat.  
 Sic fedit, sic cultus erat, sic ora reclusit;  
 Humentem nudo sic pede pressit humum:  
 Non ità vivebat rigidus *Cato*, non ità moram  
 Compressit forti fræna reducta manu.  
 Sic tantum vestes imitatus, & ora, *Catonis*  
 Simia *Phaonius*, non imitator erat.

---

*In certamen Papæ Pauli cum  
Venetis.*

**P**etri, Papa, crucem, superbus ensem  
*Pauli* fers; *Veneris* ferox minatus:  
 Crux palmam tibi, *Paule*, pollicetur;  
 Illis sed gladius necem ominatur.  
 At si *Paulus* eris, *Petrusque*, *Paule*,  
 Non tu, *Paule*, premes; premêris ense:  
 Non tu, *Paule*, crucem feres; feret te.

---

*In Melissam.*

**S**æpe me crucias rogando, cur non  
 Ut te olim colui, colo, *Melissa*;  
 Cum tu pulchra magis, magis venusta es:  
 (Ah!) tu pulchra nimis, nimis venusta es.  
 Nostro non opus est, *Melissa*, cultu;  
 Cum tu te nimium colis, *Melissa*.

---

*In Lunettam.*

**E**st manus, est facies *Veneris*, noménque Planetæ:  
 Sunt mores *Veneris*, mens quoque; tota *Venus*.  
 (Ah!) precor, ignoscas dicenti: Non ego quòd sis  
 Tota *Venus*, quòd sis tota venusta, nego.

---

*In Lunettam, & filium.*

**S**i vitam matris videas, si nomina nati, est  
 Mater parte *Venus*, parte *Cupido* puer.

Deme oculos ; & totus erit puer ille *Cupido*;  
 Adde decus *Veneris* ; tota erit illa *Venus*.  
 Sed quia forma deest matri, sunt lumina nato;  
 Parte *Cupido* tu , tu nisi parte *Venus*.

---

*Charissimo fratri Egidio &c.*

**Q**uid, ô quid *Veneres*, *Cupidinē*ſque,  
*Turturē*ſque, *jocō*ſque, *passerē*ſque  
*Lascivi* canitiſ greges , *poētæ*?  
 Et jam languidulos amantūm ocellos,  
 Et mōx turgidulas ſinu papillas;  
 Jam ſletus teneros, *cachinnulō*ſque,  
 Mox ſuſpiria, *morſunculā*ſque,  
 Mille baſia, mille, mille nugas?  
 Et vultus pueri, *puellulæ*ve  
 ( *Heu fulci pueri, puellulæ*que ! )  
*Pingitis* nivibus, *roſunculī*ſque,  
 ( *Mentitis* nivibus, *roſunculī*ſque )  
 Quæ vel primo hyemis rigore torpent,  
 Vel *Phœbi* intuitu ſtatim reſanguent?  
 Heu ſtulti nimium greges, *poētæ*!  
 Ut, quas ſic nimis, ( ah ! ) nimis ſtupetis,  
*Nives* candidulæ , & *roſæ* pudentes;  
 Sic vobis pereunt ſtatim labores ,  
 Et ſolem fugiunt ſeveriorem,  
 Vel ſaltem gelidâ rigent ſenectâ.

At Tu, qui clypeo haud inane nomen  
 ( *Minervæ* clypeo, *Jovīſque* ) ſumens,  
*Vittricē*ſ reſonas Dei *Triumphos*,  
*Triumphos* lacrymis, metūque plenos,  
 Plenos lætitiæ, & ſpei *Triumphos*,  
 Dum remi carmine, *Pierō*que dignam  
 Aggrederis ; tibi reſ decora rebus  
 Præbet carmina *Pierō*que digna.



Quin ille ipse tuos legens Triumphos,  
 Plenos militiâ, labore plenos;  
 Tuo propitius parat labori  
 Plenos lætitiæ, & spei Triumphos,

*Ad Jesum Servatorem.*

**R** Vina Cœli pulchra ; jam terris decus,  
 Deusque ; proles matris innuptæ, & pater;  
 Sine matre natus, sine patre excrefcens caro:  
 Quem nec mare, æther, terra, non cœlum capit,  
 Utero puellæ totus angusto latens,  
 Æquævus idem Patri, Matre antiquior:  
 Heu domite, victor, & triumphator; tui  
 Opus, opifexque, qui minor quàm sis, cõ  
 Major resurgis : vita, quæ mori velis,  
 Atque ergò possis ; passâ finem Æternitas:  
 Quid tibi rependam, quid tibi rependam miser?  
 Ut, quando ocellos mollis invadit quies,  
 Et nocte membra plurimus *Morpheus* premit,  
 Avidè videmur velle de tergo sequens  
 Effugere monstrum, & plumbeos frustra pedes  
 Celerare, mediâ succidimus ægri fugâ;  
 Solitum pigrescit robur, os quærit viam,  
 Sed proditurus moritur in lingua sonus:  
 Sic stupeo totus, totus hæresco, intuens  
 Et sæpe repeto, fortè si rependerem.  
 Solus rependit ille, qui repetit bene,

*In imaginem Christi à Papista cultam.*

**Q** Valem homo mendaci te fingit imagine, talem  
 Non ego te aspiciam; non ego, *Christe*, colam.  
 Qualis divino fulges, dulcissime, verbo,  
 Talem ego te aspiciam; talem ego, *Christe*, colam.

Errat, qui placitis hominum divina requirit:

Qui *Verbum* in verbo quæritat, inveniet.

Non caro carnali prodest; quid carnis imago?

Spiritui gratus spiritualis erit.

Spiritu ego venerer: qui farris imagine fingunt,

Et pingant carnem, *Christe*, vorantque ruam.

*In effigiem Achmati Turcarum  
Tyranni.*

**A**chmati effigiem spectas, qui tertia patri  
Progenies, puer imperio successit avito.  
Sic acri validis iuveni micat integra membris  
Ætas, & rarâ malas lanugine spargit:  
Sic vultu, sic ille oculis, sic fronte minatur.  
Non luxu, choreisve puer, non ille paternâ  
Desidiâ gaudet; sed bella, sed aspera cordi  
Arma sedent, sævâque superbia *Turcica* mentem  
Inflat, & ingentes volvit sub corde tumultus.  
Aut is veliferis aptabit classibus alas,  
Aut galeas finget, clypeosque, & fulmina belli  
Tormenta; impositis strident incudibus æra:  
Et nunc ille ferox *Persas Asiâque* rebellem  
Subjiciens, totum spirat sub pectore *Martem*.  
Exultansque animis multâ se suscitât irâ.

Heu! quæ *Christicolis* clades, quàm debita pestis  
Immineat! quantus tanto timor instat ab hoste!  
Nunc, *Christe*, malum avertas, tu fulmina, *Christe*,  
Dispergas, & vana manu conamina ludas.

*In Rideri dictionarium à Francisco de  
sacra Quercu nuper auctum.*

**P** Anì coniferæ pinus, sua vitis *Iaccho*;  
*Clavigero* placeat *populus* alta Deo:  
*Phæbus* amet vegetam, quamvis sub cortice, *Daphnæ*;  
 Sint grata *Alcinoo* splendida poma suo:  
 Et bene connexas lauro *Venus* ignea myrtos  
 Seligat, atque oleas docta *Minerva* suas.  
 At tu, docte puer, *Quercum* venerare *sacratam*:  
 Sit tua, quam mavult *Jupiter* esse suam.  
 A *Jove* principium *Musæ*; *Jovis* arbore gaudent  
 Ipsæ *Pierides*, *Pieridumque* pater.  
 At tu qui primis signas vestigia plantis,  
 Et dubio in *Latium* cœperis ire pede;  
 Hic tibi de *sacra* repetes oracula *Quercu*:  
 Hic, quæ *Dodonam* vicerit, arbor erit.

*In electionem Coll. Trin. carmen.*

**S**iquis arenoso committit semina sulco,  
 Non reduces fruges, & sua damna serit:  
 Nequicquam ille sibi rupturas horrea messes,  
 Et sata de sterili ditia sperat humo.  
 Sin pingui mandet quamvis mala semina campo,  
 Et fovet adjecto languida culta fimo;  
 Fœcundam arva stupent messëm, sylvamque sonantem;  
 Et compressa gravi pondere plaustra gement.  
 Sic, si, quo primum fueram, me conditis arvo,  
 Nulla seges veniet, gramina nulla meo.  
 Si læto inseritis sulco, mihi plurima surget,  
 Et non ingenii despicienda seges.

Atque utinam ex vobis unus, quanquam ultimus, essem!  
 Non est postremi gloria parva loci.  
 Quæ Jove prognatas inter sedet ultima Musæ,  
 Inter terrigenas est Dea prima Deas.

*In eandem.*


Quæ saxis, siccâque arbor flaccescit arenâ,  
 Propter aquas si quis fœcundo transtulit arvo,  
 Naturam exuerit sylvestrem, & læta sequetur  
 In quamcunque jubes artem; sive aurea mavis  
 Poma, & lunatos fœcundo pondere ramos;  
 Sive umbram, & densâ captabis frigora sylvâ.

Sic nostrum quod jam primùm sub palmite germen  
 Surgit, & exiguas ausum est extrudere frondes,  
 Crescet in immensum, si succos fortè salubres,  
 Atque novo dabitur firmatum inolescere trunco:  
 Crescet, miscebitque ingentes æthere ramos.

Nec vos *Caucaseo* fœcundæ in vertice Musæ,  
 Nec *Geticas* colitis glacies, nec frigora *Rheni*.  
 Illæ *Parnassi*, umbrosive cacumina *Pindi*,  
*Arcadicæ*ve tenent jucundo frigore sylvas:  
 Hinc tempestivam præbet cantantibus umbram  
 Populus; hinc *Helicon*, atque *Aonia Aganippe*  
 Labuntur, veteremque probans pulcherrima formam  
*Castalis*, (ah!) *Phæbum* nequicquam, ignesque puella  
 Duros effugiens, jam puro argenteus amne  
 Fons fluit, & *Phæbo* & Musis gratissima lympa.  
 Eripe (namque potes) sterili mea semina sulco:  
 Da pingui infigi glebâ; quamvis rude surget  
 Ingenium, mentisque excrescet semen adultæ.

Dom.





Dom. Observandissimo

H. W.

*Venetis agenti.*



**I**Te mea, (miseri felix opus) ite tabellæ,  
Aërias vos fortè *Alpes*, longumque remensæ  
*Neptunum Venetas* faustæ spectabitis arces;  
Arces, & medio crescentes æquore muros.

Vos etiam ora illic, sine me, charissima nobis  
Ora, manumque illam, quam nos super omnibus unam  
Ardemus, sine me, solæ tangetis, & ipsos  
Sermones (ah felices!) & verba feretis.

At vos nē sitiens vasto *Neptunus* hiatu  
Sorbeat, (heu! geminæ quo olim periēre sorores,  
Multa quibus dederam mandata, sed horridus *Auster*  
Omnia per nigras diffuderat irrita nubes)

Nē vos *Neptunus* lethalibus hauriat undis,  
Aut *Aquilo* in tenues adversus dissipet auras.

At tu cognatum *Venetâ* mihi sydus in urbe,  
( Si tibi regales indulgent otia curæ )

Aspicias ut *Veneres* anni *Mars* horridus infert:

En tragicè veris primordia comica turbat

*Martius*, & nunquam placidis irascitur undis:

Jam nova rursus hyems rediit, Zephyrôque repulso,

Perpetuas nubes, tempestatesque reducit.

Piscis iners mensi, mensæ, cœloque, soloque,

Piscis iners regnat, prohibetque immania ponti

Regna pati, terræque rates pluviosus aduncas.

At tu, si jubeas, jam nunc ego nescius undæ

Imperium, fremitusve unquam tentare marinos,

Jam nunc aggrediar; *Venetas* spectabo carinas

Et te,

Et te, qui multò *Venerà* es mihi charior urbe:  
 Ipse ego linigeris (jubeas modò) pulsus ab alis,  
 Lignatòque inVectus equo, Boreæque tumultus,  
*Æolidsque* minas spernam, pelagique furores.  
 Atqui hìc interea *Chami* flaventis ad undam,  
 Dum tua per medias lentus delapsa procellas  
 Jussa moror, varios cura est edificere ventos,  
 Crescentesque magis *Phæbi* renovare labores.  
 At tu quod longa effundunt jejunia carmen  
 (Ah miserum!) accipias, & munus inutile, semper  
 Quem dederam, & semper dandus tibi restat, amorem.

*Ad Gul. Woodfordum Cantia agentem.*

J Am tepidos *Phæbus* spargit mitissimus ignes,  
 Atque inter Geminos medius, Cancrùmque rubentem  
 Plurima producit tardo vestigia gressu.  
 Aspicias? umbroso crinescunt vertice fagi;  
 Sub ramis latitans reducem *Philomela* querelam  
 Exercet, fletusque inter, cantusque sonoros  
 Mitior indulget natis, & læta laborum  
 Congerit in teneros gaudens stramenta penates,  
 Nos inopaca premit vicini *cambria* solis;  
 Nos *Musis* invisæ salix, & pervia *Phæbo*  
*Fraxinus* (heu!) rara fallit sub fronde sedentes,  
 Et nimio prodit languentia corpora soli.  
 At si me aërio teneat *Winsoria* colle,  
 Sive *Ætonenses*, (ah!) nostra crepundia, *Musæ*;  
 Seu natale solum densatis *Cantia* sylvis,  
 Vel quæcunque colam (strepitu sejunctus, & urbe)  
 Rura, juvet tecum pratis errare serenis,  
 Et sub pubenti pariter confidere fago.  
 Interea *Nymphas* nobis (*Gulielme*) saluta,  
 Quis tibi vicino jactat mea *Cantia* rure.

*Veritas omnis cognitionis est in iudicio.*

**C**Um jam rerum animus primas ex lumine formas  
Accepit, nec iudicii sub regna remisit,  
Apparet facies veri; commistâque falsis  
Forma boni obscuros deludit imagine sensus.

Ut quando exigua variatur luce, diemque  
Nec totum admisit, nec totum depulit umbra,  
Falluntur dubio decepti lumine sensus,  
Et delusa acies tremula sub luce labascit.

At cum iudicii solio (cui certa sacrandi  
Sceptra animus, verumque dedit discernere falsis)  
Sistitur, ipsum animo verum, perfectâque rerum  
Effigies lucet, tenebrasque resolvit inanes.

Ut quando furvis terras nox implicat ulnis,  
Omnibus unus erat vultus, color omnibus unus;  
Perfectum retinent reduci jam sole colorem.

Nam cum mens recipit speciem, interiisque recondit,  
Ordine secernit causas, aptatque futuro  
Semina iudicio, mox pensitat omnia solus;  
Falsâque denudat iudex, verumque reponit.

*Mors est malum.*

**L**Audat, qui nescit mortem, noctemque profundam,  
Et quos nec strepitus turbant, nec somnia somnos.  
At qui vicinæ propior jam limina mortis  
Ingreditur, durique videt penetralia Ditis,  
Horret nigrantes percusso lumine manes.

Sic qui formosâ descriptum fortè tabellâ  
Auro, fulgentem liquido, argentoque leonem  
Spectat, crispatasque júbâs, & eburnea rictus  
Claustra, stupet laudans: ipsum si fortè ruentem  
Aspicit, horrescit tremulus, moriendoque mortem

Anteve



Antevenit, vivísque perit, vivítque sepultus.

Qui laudat mortis, laudat secúra, timétque  
Regna, & prodit iners manifesto dicta timore.  
Omnibus idem amor est vitæ, & vitatio mortis  
Omnibus: esse puer juvenis, primósque relabi  
Annos posse cupit; florentem ætate juventam  
Prona simul tacitè miratur, & invidet ætas:  
Hanc querulus laudat senior, robúrque virile,  
Et profugas revocat vires, semperque futurum  
Sperat, promittitque sibi jam mortuus annum.

---

*Gladio Pontificio vita Principis  
non permissa.*

Quid gladios, quid, Papa, Jovi data fulmina torques?  
Petri siste enses, Eliadisque memor.

Sumere qui jussit Petrum enses, ponere jussit:

Cur major vero es, cujus es umbra, Petro?

Pasce meas, ô, dixit, oves; pasce, addidit, agnos:

Pasce meas, iterum, ter quoque dixit, oves.

Nullus mactandi locus est; quid sceptrum? quid enses?

Sume Petri claves, Propetre, sume pedum:

Regi sceptrum Deus, Regi sacra verat enses:

Quæ Regis Regi redde, Deique Deo.

Cùm nil proficeres, deponis inutile ferrum:

Nec gladio Regem, sulphure regna petis.

At tu, summe, novum sceleri, Pater, adde profundum:

Tartarus huic uni non satis unus erit.

Vestem vix Regis secuit, doluitque resectam,

Qui sceptrum Princeps, scripta Propheta tulit.

Frustra igitur Paulique, Petrique, ensémque, crucémque  
Jactas: hic gladio concidit, ille cruce.

Ergo

Si Petrus es, Paulusque, cruce pendebis aperte:

Non pendes: percas, non ferias gladio.



*Anni temporum mutationes, vario-  
rum causa morborum.*

**N**on tam multi *Adrio* saliant in littore fluctus,  
Quàm variæ (heu miseros!) humano in corpore  
pestes,

Pallentēsq̃ue habitant morbi: nec semita mortis  
Simplex; sæpè vices mutant: quot sydera regnant;  
Tot terris morbi imperitant. Cùm splendidus annum  
Primo vere *Aries* cornu, *Taurū*sq̃ue recludunt,  
Mille cūtim papulæ, mille exanthemata pingunt:  
Nam propior tepidos inspirans *Cyathius* ignes,  
Humorem allecat putrem, multoque rebelles  
Internus fervor trudit conamine succos.

At *Leo* cūm duras *Nemeus* fuderit iras,  
Flava tumet bilis, fluctūque expumat amaro;  
Multa furit pestis; flammis diaphragma subactis  
Uritur, & sociis cerebrum fervoribus ardens,  
Incendit furias, mentēque exturbat inanem;  
Aut misera ardentes febris depascitur artus.  
Non me illis quisquam *Baccho* indulgere diebus,  
Non *Cereri*, aut moneat longo contendere cursu.

Excipit Autumnus, medios cui frigidus æstus  
*Hesperus*, & primis claudens *Aurora* pruinis,  
Vexat inæquali nutantia corpora cælo:  
Namque atrum multā ferventem æstate cruorem  
Reppulit, atque aditus frigus concludit inertes:  
Informes ægro subeunt in corpore morbi;  
Et mens succumbit timidis offusa tenebris.

At mox, cūm averso squalescunt omnia sole,  
Aut nimio insuetus cruciatur frigore pulmo,  
Tussis crebra latus, faucēsq̃ue elidit anhelas:  
Aut cerebrum frigus scandens, & candida multis  
Regna offundit aquis; conspirat inutilis humor,  
Et sensus premit effoetos, animūque catarrhus.



# NISA ECLOGA.



Ortè sub umbrosa, sylvarum principe,  
fago

Sedit, & infidos genuit *Wiltulmus* amo-  
res;

Disruptum fidei vinclum, versósque Hy-  
menæos

Flebat, coelum amens, & conscia sydera questus.

Non illum gemini, pastorum gloria, fratres

Cantibus experti juvenes, levibusque cicutis,

Non qui mille greges placidis sub vallibus errant,

Solantur : juvat usque ægro indulgere dolori.

Vos (inquit) quæ hîc incidi, vos fagina testes

Carmina; vos, nemorum petulantia numina, *Fauni*;

*Fauni*, & sylvicolæ *Faunorum* incendia *Nymphæ*;

Et deus Arcadicis, *Pan*, non leve numen in arvis;

Diique omnes, divæque, thori quibus omina curæ:

Cùm dextram dextræ implicuit, cùm lumine nostros

Dejecto intrabat, quos jam fugit improba, lectos.

*Nisa* redi, thalamósque fugax nè desere pastos.

Non ego perjuræ, quæ tu mihi dura ferebas,

Tuque, patérque tuus, memini convitia linguæ:

Non emptas legum rixas, turpesque loquacis

Risus plebis, & infamis mala vulnera famæ;

Non, cùm me inconstans fugeres, jussu impia matris

Certa sequi, tenerósque odiis abrumperet amores.

Quin ego te contrà precibus, mea crimina, supplex

Oblitus scelerum, sed non oblitus amorum

Reppetii, si fortè animum, si fortè vagantem

Ad solitas iterum flammæ, thalamósque reducam.

Ahl dixi, quamvis scelerata, revertere *Nisa*:

*Nisa*

*Nisa redi, thalamosque fugax ne desere pactos.*

Quem lasciva fugis? non me festina senectæ  
Mordet hyems; capitivæ nives, longivæ per ora  
Rugarum sulci rursant: non languida frigent  
Membra, nec effoetos tardus fluit humor in artus.  
Ipse meos puro vultus sub fonte notabam,  
Nec multis (si fons oris non blandior index)  
Nec *Lycide* invideo: quid si mihi vertice crines,  
Quid mihi si fusco nigrescat barba colore?  
Et vobis famâ, & Veneri gratissimus idem.  
Me Nymphæ quoque, me *Parnassia* numina, Musæ,  
Musarumque pater, sacrum mihi nomen, *Apollo*,  
Et *Dryades* me lascivæ petiére puellæ;  
Et *Chie*, & gemini, pastorum musica, fratres.  
Tu me sola fugis dura, & connubia ludis,  
Tædâsque extinx' ti, & castos frustra'sti Hymenæos.

*Nisa redi, thalamosque fugax ne desere pactos.*

O quanto satius fastidia longa *Nigelle*,  
Atque indotalis paterer connubia *Chies*!  
Quid tum, si pauper *Chie*? & Virtus quoque pauper,  
Mendicæque novem (totidem mihi numina) Musæ.  
Illam ego (me miserum!) dum te, & tua vota petebam  
Perfida, jam sub portu, ipsoque in limine liqui.  
Sic nubem *Ixion*, nebulasque amplexus inanes,  
Magnam animo coeli Reginam, ipsosque Tonantis  
Sperabat thalamos: fugit levis illa per auras,  
Et liquida in terras tenui dilabitur imbre.

*Nisa redi, thalamosque fugax ne desere pactos.*

Hic nobis *Thamo* generatus, & *Iside* Nymphæ  
*Thamifis* ingenti Ludduni moenia fluctu  
Alluit, & penitus firmatum ad Tarrara pontem  
Indignatus, aquis furit; atque immania late  
Concitat undarum violento murmura lapsu:  
Summa longus aqua spumarum defluit ordo.  
Aut, si rura animum, rignique in vallibus amnes,  
Sylvæ capiunt; mihi rus, mihi sylvæ rediunda;



Atque idem minor, atque idem jam mitior undā  
 Thamisis ipse pater felicia dividit arva,  
 Et quæ multa pecus surgentes tondeat herbas:  
 Sola deest mihi, quæ pecudi, quæque imperet arvis.  
 Huc ades; hinc herbæ molles, hinc ditia culta:  
 Hic ego perpetuo tecum consumerer ævo.

*Nisa redi, thalamosque fugax nē desere pactos.*

Est tibi namque domi pater improbus, improba mater;  
 Atque ambo assidue in pejus vestigia flectunt,  
 Detorquentque pedes rectos. Sic omnia retrō  
 Deterius ruere, inque malum sublapsa referri;  
 Ut quando adverso pictum tenet amne phaselum  
 Anchora, si funem, & mordaces fibula nexus  
 Solverit, atque illum pronā trahit alveus undā.

*Nisa redi, thalamosque fugax nē desere pactos.*

Cantando revocantur oves, hædique petulci;  
 Sibillaque ipse canis vocemque agnoscit herilem:  
 Acer equis domino, parent armenta bubulco;  
 Tinnitu retrahuntur apes, & tecta fugaces  
 Nota petunt iussæ, & media inter prælia sistunt:  
 Tu verò (quis, *Nisa*, putet?) tu surdior illis  
 Conjugis avertis petulantes cantibus aures.

*Nisa redi, thalamosque fugax nē desere pactos.*

Usque tamen fugis, & torvos obvertis ocellos,  
 Illicitosque (utinam nec possim credere!) lectos,  
 Fædosque (ah! vereor; nam cuncta veremur amantes)  
 Amplexus petis; hic nostrum ad ludibria nomen  
 (Hei mihi!) ridetur tu, quàm sim stultus amator,  
 Atque rudis, narras: certum est deserta feratum  
 Inter spelæa, & nigras formidine sylvas  
 Malle pati, tristesque feris iterare querelas,  
 Et maria, & scopulos lacrymis, silicesque movere.  
 Te fera, te scopuli immanes, te mitior ipsa,  
 Quâ, nisi tu, Nymphæ, nihil est crudelius, unda.

Et jam casurus majores porrigit umbras  
 Ipse etiam major, teneris sol mitior herbis:

Me tamen



Me tamen ignis edax, sacraeque in pectore flammæ  
Absumunt, & rupta intus præcordia lambunt.

Dixerat: arbuteoque greges sub vimine clausit.

## Fusca Ecloga.

THYRSILIS, DAMON.

**S**Tabat claviculis furcas amplexa seniles  
Vitis, & ingentem effudit pastoribus umbram;  
*Chamus* ubi angustas tardo vix flumine ripas  
Complet, decrepitoque pater jam deficit amne.  
Venerat huc primos miratus *Thyrsilis* ignes,  
Et quos jam novit (nec jam quoque novit) amores:  
Atque illum pariter *Damon* comitatur euntem,  
Multa senex puerum increpitans, si fortè recentes  
Ægro discutiat monitis è pectore curas:  
Usquè tamen misero ingeminant, & pressa resultat  
Flamma sinu, ignotisque fibras depascitur ignis.

Quis mihi florentes media inter pascua matres, *Thy.*  
Lascivosque potens oculus, quis fascinat agnos?  
Oblitus pratorum aries, oblitus amorum,  
Stat fixis in terram oculis, & pondere lassam  
Plexa gravant frontem duplicatis cornua gyris.  
Illa gemellorum nuper celeberrima mater,  
Immemor eximiae prolis misera, immemor herbæ,  
Languet, nec notis geminos balatibus agnos  
Vel revocare quidem; vel respondere parata,  
Sed pronam acclinat cervicem; flaccida pendent  
Libera, & ad fontem refluant albetia lactis  
Flumina; deficiunt agni, nec ludicra læti  
Colliculos circum exercent, soliti ordine longo  
Immemores matrum petulantia ducere pratis  
Agmina, perpetuosque herbis percurrere gyros.

Quis mihi florentes oculus, quis fascinat agnos?  
Quod si sola, puer, gregis est tibi cura dolori, *Dam.*  
Carpe ter intacto purum de cespite gramen,

Carpe tribus digitis, manibúsque ad terga reflexis  
 Adversos specta Zephyros; tum gramina lævâ  
 Sparge manu, ter sparge manu, quâ noxius Eurus  
 Mordet, quâ Notus, & nunquam visæ Oceano Uræ:  
 Hæc etiam terno ter misce murmura jactu;  
 Sic eat in ventos, quæ nos premit, irrita pestis.

Thy.

Idem oculus pecudem, vereor, pecudisque magistrum  
 Perdidit; idem oculus vos, & me fascinat, agni.  
 Sæpe mihi ignaro trudentur lumine fletus;  
 Sæpe mihi intacto molles diaphragmate risus  
 Surgunt, & primo malè suffocantur in ortu:  
 Sæpe etiam nullo exhalant suspiria motu;  
 Atque oculis iterum facies tranquilla serenis  
 Nescia miratur lucem, subitúmque nitorem.  
 Fervida sæpe novis ignescunt pectora flammis,  
 Jámque repentino facies mihi fulgurat igne:  
 Atque iterum gelido torpescunt membra veterno,  
 Pallidâque horrescunt, & qualia manibus ora.  
 Sic cùm primùm Aries, Taurúsve recluserit annum,  
 Sæpe breves cum sole vices fluidissimus Auster  
 Mutat; deciduas nubes liquatur in undas,  
 Atque iterum micat, atque iterum denso abditur imbre,  
 Omnia mox etiam victurus nubila, *Phæbus*.

Dam.

Atque equidem timui, nec me metus iste fefellit:  
 Non te saga, puer, non te cantata profundis  
 Carmina sub tenebris lædunt, herbæque potentes;  
 Sed tenerum primo pectus turbatur amore.

Thy.

An sit *Amor*, dubito, nec *Amoris* vis mihi, *Damon*,  
 Cognita, nec facies: puerum tamen audio, pennâ,  
 Atque arcu cinctum tenero, lævique pharetrâ:  
 Tu mihi, qui notas sensisti pectore flammâs,  
 Dic quibus infidiis, quâ te olim ceperit arte.

Dam.

Ah! miserande puer, non illè armatus acutis  
 It jaculis, pharetrâve humeros indutus acernâ;  
 Qualis *Peneï* comitata ad fluminis undas  
 Prima cothurnatis incedit *Delis* Nymphis,

Atque ursam jaculo squalentem, aprumve fatigat:  
 Verum oculo later, atque oculi curvamine tectus  
 In teneras ignem immittit per lumina fibras,  
 Sæpe etiam blanda latuit sub voce *Cupido*,  
 Perque ipsas tacite in pectus dilabitur aures:  
 Sæpe comâ implicitus tortâ, vel fronte serenâ,  
 Aut teneo ignaros risu, lacrymisve fefellit.

Sed nunquam immitem jaculatur certius ignem,  
 Quam cum sub tumidis obscurus fortè papillis  
 Clauditur: at si labra inter formosi resedit  
 Tectus, non illis quisquam me basia labris  
 Ferre, vel impressio moneat certare labello.  
 Quod si fortè illas fixo petis ore latebras,  
 Irruit, atque viâ tacite delapsus opacâ,  
 (Heu!) non delendo totas premit igne medullas,  
 At tu, chare puer, nostram nisi spreveris artem,  
 Dic mihi quam nuper spectaveris ore puellam.

Aut amor, aut ipsi similis mihi morbus amoti est. *Thy.*  
 Nam, *Pani* nuper dum sacro altari thure  
 Fumant, arbuteoque greges sub vimine clausi  
 Abstinuere cibo, pratis effusa juventus  
 Annua restaurant mistis convivia *Nymphis*:  
 Ipse agro fortè errabam, qui fronte *Triones*  
 Spectat, & illota nomen sortitur ab ura:  
 Hic ego ludentem media inter robora *Fuscâ*  
 Aspicio primus, primas miser imbibo flammâs.

Illa quidem dum me fixis spectabat ocellis,  
 Sensi equidem illabi radios, qualisque reflexus  
 Mittere Sol primo assuevit sub vere calores:  
 Neo tamen abstinui, nec tales sub nive flammâs,  
 Aut tantum hâc poteram facie sperare dolorem.  
 Illi simplicitas roseo pulcherrima vultu,  
 Illi casta *Venus* sedit, Virtusque, Pudorque  
 Laeta perpetuo suffundens ora rubore:  
 Lumina, quæ Geminos vincant, stellamque micantem,  
 Ultima quæ coelis excedit, prima relucet.



At cùm labra labris sociarem, (ah!) quam mihi  
mentem

Tum, *Damon*, quos esse putas sub pectore sensus?  
Sensit & ipsa dolos: puduit; mentemque decorus  
Prodiderat rubor, & tacito suspiria flatu  
Invitæ exierant: ex illo, sævior arsit

Mente furor, magnòque intrus candescit ab æstu:

Qualis, ubi Siculo pressus sub monte *Typhoeus*

Eructat flammæ, tonitrûque immugit acuto.

Nec mihi tuta dies, nec nox mihi libera somno:

Luce instat, noctesque etiam mihi visa profundas

Adventare, iterumque ignita refigere labra,

Atque iterum notos *Fusca* inspirare furores.

*Dam.*

Ah! miser agnosco veteris vestigia flammæ,

Et mihi qui gelido dæxavit corde tumultus.

At tu nè tenero pugnes, puer, ausus *Amori*.

Undæ *Amor* immani, magnòque simillimus amni;

Quem valido si conieci premis obice saxi,

Eruit, atque undis latos stagnantibus agros

Obsidet, & pecudes, & flavas sternit aristas.

Jam tibi firma ætas, apti jam lusibus anni:

Tu modò, chare puer, nè pronam de jace mentem.


Ipsa etiam simili, nisi me vestigia ludant,

Vulnere turbatur, tacitoque exurit æstu:

Et citius rapiunt, & celant doctius ignes.

**MTR.**





## MYRTILLVS.

## Ecloga.

**S**URGIT præcis rupes altissima saxis,  
Et cælo minitans subjectis imperat arvis;  
Discuriens nubes capite, & pede *Tartara*  
pressans.

Infraçti dorso ventri tonuere, minaxque  
Horrendum pelagus fremuit: sed lata profundo  
Excepit maria alta sinu, lymphasque cavato  
Molliter illapas gremio convexa recondit:  
Sæpe illic *Nymphæ* furtivos leniit ignes  
*Triton*; sæpe greges illic, armentaue cogens  
Sopitas *Proteus* mulcebat carmine phocas.

Venerat huc miseros deflens *Myrtillus* amores,  
Infelix puer, at cantu levibusque cicutis  
Doctus, & Oceani tota notissimus undâ.  
Illum turba frequens circum mirata canentem  
*Nympharum* sedet; & crudos miserata dolores  
Solantur, placidisque levant incendia dictis:  
Flet tamen, & cymbæ viridi projectus in ulva  
Sic *Daphnen* miser, & tardos inculat amores.

Nulla mihi tanti, *Nymphæ*, solatia luctus.  
Aut levet ipsa meos *Daphne* quos intulit ignes,  
Aut si adeo indigni sumus, atque irascere usque,  
Usque adeo crudelis *Amor* sub pectore sævis,  
Has, precor, has tumulum, *Nymphæ*, concedite lym-  
phas:

His ego inextinctos (sinitis modo) fluctibus ignes  
Immergam, si fors tantos mare ceperit ignes,  
Nec liquido æquoreas inter caream æquore lymphas.

Scilicet expectem, *Damon* dum fumidus illam  
 Excipiat stabulo, thalamoque injecta *Myconis*  
 (Hei mihi!) pisciculis iussos misera induat hamos?  
 Jamque iras ferre, atque immitia jurgia discat,  
 Aut saltem dum blandisonis (ah credula!) falsi  
*Thyrifidis* acta dolis, fidos contemnat amores,  
 Atque illi fulgent victrici tempora lauro,  
 (Heu dolor!) & spretis squalent mihiserta salictis;  
 Jam mihi, jam satius crudelem abrumperè vitam,  
 Totque uno pariter letho finire dolores.

Non me monstra maris terrent, immania cete  
 Corpora, non curvi delphines, non tua, *Proteu*,  
 Imperia, informes passim per littora phoeæ;  
 Non ipsum terret, vincens sua monstra, profundum.  
 Hoc *Amor*, hoc longè geniali immitior unda  
 Urit, & ingenti pectus depascitur igne,  
 Hoc ipsa immitem *Daphne* quæ vincit *Amorem*.

Omne malum inveni, *Daphne*, te mitius, & quod  
 Æquora, quod terras tranat, cœlumque profundum.  
 Turbatæ furerent nuper cum flatibus undæ,  
 Ipse ego præcipitem lymphis me, & gurgite vasto  
 Submersi, si fortè ardentès fluctibus ignes  
 Eruerem, exosamque tibi premerem æquore vitam:  
 Sed medias inter pontus te mitior iras  
 Ad portum summis fluitantem advexerat undis.  
 Quin me crescentes iterum restinguere flammæ  
 Tentantem humanus medio tulit æquore delphin;  
 Attonitumque vehens, meriram illi, carmina, naulam  
 Excepit, lætusque oneris prope littora vexit.

At tu nec precibus, nec carmine victa, nec ipso,  
 (Omnia qui vincit) cujus sum plenus, *Amore*.  
 Non me, si nōsses adeo, sævissima Nympe,  
 Despiceres; & me spretis *Tritonibus* ardent,  
 Neglectisque petunt Nymphæ *Nereides* undis:  
 Æmulus ipse mihi nequicquam carmina *Thyrsis*  
 Invidet, & toties cantando ad littora victus

Frustra

Frustra iterum calamos tentat, Musasque rebelles,

Me quoque jam primò gelida sub rupe canentem

Audiit, & teneris indulfit præmia Musis

Undarum regina *Tberis*, quæ condita mecum

Servo, duos oculis similes tibi, Nymphæ, pyropos.

Est mihi, quâ tumidas volventem ad littora moles

Oceanum solitus *Triton* demittere; concha;

Concha auro, & niveis gyros circum illita gemmis,

Munera si tangunt: sed hec te munera tangunt.

Ah, *Myrtille*! quis hic invasit pectora tantus,

Quis tantus furor? has citius tibi carmine rupes

Flectes, hanc citius, quæ ripæ irascitur, undam;

At rupes flere, & liquefactum frigore visæ

Aëra, guttasque è gelidis stillare cavernis:

Aspice, ceu rauco spumosa ad littora fracti

Tristitia cum gemitu præbent mihi murmura ventis

Nec tu mota tamen. Vastos mihi reddite fluctus:

Certum iterum lymphas, iterum tentare profundum,

Vos mihi, vos gelidæ rupes, vos retia fixis

Nequicquam elapso remis captantia soles,

Et tu, dum licuit, meritò charissima nobis

Cymba, vale: non te posthæc prope littora lætus

Saltantem lymphâ pariter saliente videbo.

Non ego te recubans mediâ, resonantia latè

Æquora mulcebo cantu, ventosve tonantes.

Vosque etiam rupes, levia, fluctusque sonoros

Carmina, sed nunquam *Daphnen* motura superbam,

Carmina grata valete; & tu quoque inutile munus,

Concha vale, gemmæque, vale immitissima *Daphne*,

Vos mihi defuncto exiguum de cespite bustum

Nymphæ, surrigite, & supremum inscribite carmen:

Ipsâ suam *Daphne* feritatem in gramine spectet.

CAPIT

CESPITE MYRTILLUS IACET HOC,  
TUA CRIMINA, DAPHNE.

QUANTULA IAM TANTO SUPERBEST  
EX IGNE FAVILLA!

Dixit, & invitam protrusit in æquora cymbam.  
Arguto miserum gemuerunt murmure venti:  
Illum etiam lacrymis remi flevère madentes:  
Flebilis illum etiam Alcyon, fulicæque sonores;  
Quæque etiam sallos stillabant retia fletus.

Lusus



# Lusus Ecloga.

## THYRSIS, MYRTILLUS.



Ortè greges uno pastorum læta juven-  
tus

Littore compulerant, cymbásque attraxit  
eòdem

Piscantùm pubes : fuit illis nobile ripã

Certamen : *Thyrsis Myrtillo* (littoris iste  
Sylvarum alter amor) *Myrtillus Thyrside* pugnat.

Insignes formã juvenes, levibúsque cicutis

Ambo, annísque pares, experti cantibus ambo:

Ambo myrtetis tecti, prope littoris undam

Consedère, fluunt circum sylvestria Nymphæ

Numina, & æquoræ Tritonum incendia divæ:

Illum pastorum, piscantùm hunc agmina cingunt;

Myrtus utrique, utrique sonans admurmurat unda.

Porrigit alta suas rupes cantantibus umbras:

Inque repercussum repulit sua lumina solem.

Da mihi, si qua fides juranti, *Cynthia*, pacta

Quæ nuper memori recitasti carmina lauro:

Dum tibi jam facilis *Daphne*, jam mitior, ipsum

Vertice (quã potuit) pronò veneratur amantem,

Et mihi pollicitus, modò amanti credimus ulli,

*Proteus*, quo nuper placaverat æquora, carmen.

Te delphin stupuit, *Proteu*, te æquabilis unda;

Te (tua regna) atræ passim per littora phocæ.

Viva mihi in sertis meritò gratissima laurus,

Laurus

Laurus *Apollinea*, & leviter pudibundi *Hyacinthi*.  
Jam mihi, pastores, vestri si cura poetæ,  
Jam mihi *Phœbeo* constringite tempora flore.

My.

Ante alias me delectat *Cytherea* myrtus;  
Littora myrtus amat: mediis me lilia lymphis.  
Pontivagi, vobis si sit victoria curæ,  
Huic, juvenes, capiti *Paphias* appendite frondes.

Thy.

Pastores amat, ipse olim quoque pastor, *Apollo*.  
*Admeti* ipse greges *Penei* pavit ad undas.  
Tu quoque perpetuis sopito, *Delia*, somnis  
Pastori furtiva alto fers oscula *Larimo*.

My.

Quæ te littoribus, quæ tanta abstraxerat herba,  
*Glauce*, auxitque deos? quin te quoque fluctibus ortam,  
Mollibus implicitam (prima ah cunabula!) spumis  
Dicimus, & jam tu tenerorum mater amorum.

Thy.

*Arcadicus* me *Faunus* amat, me magnus *Apollo*.  
Lætos ille greges, variam hic promiserat artem:  
At si tu me, *Nisa*, pari dignaris amore,  
Non *Pan Arcadicus* placeat, non magnus *Apollo*.

My.

Et nostrum *Proteus*, & nostrum *Glauce* amorem  
Vincere, piscatu hic tentat, sed cantibus ille:  
Quod si tu nostro, *Nerme*, carperis igne,  
Non *Proteus* nostrum obtineat, non *Glauce* amorem.

Thy.

Sparsa domi maculis pretium est mihi carminis agna;  
Non illam grege mutarim: sunt pocula crebro  
Plena *Jovis* furto, varias prodentia flammæ;  
Jam tua, si vis, agna tamen; tua pocula, *Nisa*.

My.

Par mihi cygnorum, & lævi mihi pocula conchæ,  
Pocula purpureo exterius fulgentia fūco:

Pes illi

Pes illi niveus ceteo surgit ab ossē:  
Pocula, *Nerine*, tua sint; tua præmia cygni.

—Pronior en *Phæbus* (cantu desistite Musæ)  
Lucem utrique secat divisam æqualiter orbi.  
Antea quàm globuloso humescant gramina rore,  
Arbuteis saturos claudamus finibus agnos.

Thy.

En nimio, juvenes, albescunt retia sole:  
Frigidus in tenues ær jam liquitur imbres.  
Jam satis est; fixos pueri subducite remos,  
Colligite in solitos piscantes retia nodos.

My.

Hæc illi: at Nymphæ lectis utrinque coronis  
Lauro illi, *Paphiâ* decorant huic tempora myrto,  
Et vario intexunt (ah dulcia præmia!) flore.

F I N I S.



Regillit...  
Pecunia...

Propter...  
In...  
Anna...  
Alph...

En...  
Frigida...  
Jan...  
Collige...

Ille...  
Iam...  
Ne...

1712





